

88- সূরা আদ-দুখান
৫৯ আয়াত, মক্কী



।। রহমান, রহীম আল্লাহর নামে ।।

১. হা-মীম ।
২. শপথ সুস্পষ্ট কিতাবের^(১) ।
৩. নিশ্চয় আমরা এটা নাযিল করেছি এক মুবারক রাতে^(২); নিশ্চয় আমরা সতর্ককারী ।
৪. সে রাতে প্রত্যেক চুড়ান্ত সিদ্ধান্ত স্থিরকৃত হয়^(৩),

بِسْمِ اللَّهِ الرَّحْمَنِ الرَّحِيمِ
حَمْدٌ
وَالْكِتَابِ الْمُبِينِ
إِنَّا أَنْزَلْنَاهُ فِي لَيْلَةِ مُبَرَّكَةٍ إِنَّا كُنَّا
مُنذِرِينَ
فِيهَا يُفْرَقُ كُلُّ أَمْرٍ حَكِيمٍ

- (১) 'সুস্পষ্ট কিতাব' বলে কুরআনকে বোঝানো হয়েছে [সাঁ'দী, মুয়াস্সার, জালালাইন]
- (২) গ্রহণযোগ্য তাফসীরবিদদের মতে এখানে কদরের রাত্রি বোঝানো হয়েছে, যা রমযান মাসের শেষ দশকে হয়। সূরা কদরে স্পষ্টভাবে বর্ণিত হয়েছে যে, পবিত্র কুরআন শবে-কদরে নাযিল হয়েছে। এতে বোঝা গেল যে, এখানেও বরকতের রাত্রি বলে শবে-কদরই বোঝানো হয়েছে। এ রাত্রিকে 'মোবারক' বলার কারণ এই যে, এ রাত্রিতে আল্লাহ তা'আলার পক্ষ থেকে অসংখ্য কল্যাণ ও বরকত নাযিল হয়। এক হাদীসে রাসূলুল্লাহ সাল্লাল্লাহু 'আলাইহি ওয়া সাল্লাম আরও বলেন, দুনিয়ার শুরু থেকে শেষ পর্যন্ত আল্লাহ তা'আলা পয়গম্বরগণের প্রতি যত কিতাব নাযিল করেছেন, তা সবই রমযান মাসেরই বিভিন্ন তারিখে নাযিল হয়েছে। তাতে বলা হয়েছে, ইবরাহীম আলাইহিস সালাম-এর সহীফাসমূহ রমযানের প্রথম তারিখে, তাওরাত ছয় তারিখে, যবুর বার তারিখে, ইঞ্জিল আঠার তারিখে এবং কুরআন চব্বিশ তারিখ অতিবাহিত হওয়ার পর (পঁচিশের রাত্রিতে) অবতীর্ণ হয়েছে। [মুসনাদে আহমাদ: ৪/১০৭]
- (৩) ইবনে আব্বাস রাদিয়াল্লাহু আনহুমা বলেন, এর অর্থ কুরআন অবতরণের রাত্রি অর্থাৎ, শবে-কদরে সৃষ্টি সম্পর্কিত সকল গুরুত্বপূর্ণ বিষয়ের ফয়সালা স্থির করা হয়, যা পরবর্তী শবে-কদর পর্যন্ত এক বছরে সংঘটিত হবে। অর্থাৎ, এ বছর কারা কারা জন্মগ্রহণ করবে, কে কে মারা যাবে এবং এ বছর কি পরিমাণ রিযিক দেয়া হবে। মাহ্দভী বলেন এর অর্থ এই যে, আল্লাহ কর্তৃক নির্ধারিত তকদীরে পূর্বাঙ্কে, স্থিরীকৃত সকল ফয়সালা এ রাত্রিতে সংশ্লিষ্ট ফেরেশতাগণের কাছে অর্পণ করা হয়। কেননা, কুরআন ও হাদীসের অন্যান্য বর্ণনা সাক্ষ্য দেয় যে, আল্লাহ তা'আলা এসব ফয়সালা মানুষের জন্মের পূর্বেই সৃষ্টিলগ্নে লিখে দিয়েছেন। অতএব, এ রাত্রিতে এগুলোর স্থির করার অর্থ এই যে, যে ফেরেশতাগণের মাধ্যমে ফয়সালা ও তাকদীর প্রয়োগ

৫. আমাদের পক্ষ থেকে আদেশক্রমে, নিশ্চয় আমরা রাসূল প্রেরণকারী
৬. আপনার রবের রহমতস্বরূপ; নিশ্চয় তিনি সর্বশ্রোতা, সর্বজ্ঞ--
৭. আসমানসমূহ, যমীন ও এ দু'য়ের মধ্যবর্তী সমস্ত কিছুর রব, যদি তোমরা নিশ্চিত বিশ্বাসী হও ।
৮. তিনি ছাড়া কোন সত্য ইলাহ নেই, তিনি জীবন দান করেন এবং তিনিই মৃত্যু ঘটান; তিনি তোমাদের রব এবং তোমাদের পিতৃপুরুষদেরও রব ।
৯. বরং তারা সন্দেহের বশবর্তী হয়ে খেল--তামাসা করছে ।
১০. অতএব আপনি অপেক্ষা করুন সে দিনের যেদিন স্পষ্ট ধোঁয়ায় আচ্ছন্ন হবে আকাশ^(১),

أَمْرًا مِّنْ عِنْدِنَا إِنَّا كُنَّا مُرْسِلِينَ ﴿٥﴾

رَحْمَةً مِّن رَّبِّكَ إِنَّهُ هُوَ السَّمِيعُ الْعَلِيمُ ﴿٦﴾

رَبِّ السَّمٰوٰتِ وَالْاَرْضِ وَمَا بَيْنَهُمَا اِنْ كُنْتُمْ مُّوَقِنِينَ ﴿٧﴾

لَا اِلٰهَ اِلَّا هُوَ يُحْيِي وَيُمِيتُ رَبُّكُمْ وَرَبُّ الْاَبۡرٰمِ الْاَوَّلِينَ ﴿٨﴾

بَلْ هُمْ فِي شَكٍّ يَلْعَبُونَ ﴿٩﴾

فَارْتَقِبْ يَوْمَ تَأْتِي السَّمَاءُ بِدُخَانٍ مُّبِينٍ ﴿١٠﴾

করা হয়, এ রাত্রিতে সারা বছরের বিধানাবলী তাদের কাছে অর্পণ করা হয় । ইবন আব্বাস রাদিয়াল্লাহু আনহুমা বলেন, তুমি কোন মানুষকে বাজারে হাঁটাচলা করতে দেখবে অথচ তার নাম মৃতদের তালিকায় । তারপর তিনি এ আয়াত তিলাওয়াত করে বললেন, প্রতি বছরই এ বিষয়গুলো নির্ধারিত হয়ে যায় । [মুস্তাদরাকে হাকিম: ২/৪৪৮-৪৪৯]

- (১) আলোচ্য আয়াতসমূহে উল্লেখিত ধোঁয়া সম্পর্কে সাহাবী ও তাবেয়ীগণের তিন প্রকার উক্তি বর্ণিত আছে । প্রথম উক্তি এই যে, এটা কেয়ামতের অন্যতম আলামত বা কেয়ামতের সল্লিকটবর্তী সময়ে সংঘটিত হবে । এই উক্তি আলী, ইবন আব্বাস, ইবন ওমর, আবু হুরায়রা, রাদিয়াল্লাহু আনহুমা ও হাসান বসরী রাহেমাছল্লাহু প্রমুখ থেকে বর্ণিত আছে । দ্বিতীয় উক্তি এই যে, এ ভবিষ্যদ্বানী অতীতে পূর্ণ হয়ে গেছে এবং এতে মক্কার সে দুর্ভিক্ষ বোঝানো হয়েছে, যা রাসূলুল্লাহ সাল্লাল্লাহু আলাইহি ওয়া সাল্লাম-এর দো'আর ফলে মক্কাবাসীদের উপর অর্পিত হয়েছিল । তারা ক্ষুধার্ত অবস্থায় মৃত্যুবরণ করেছিল এবং মৃত জন্তু পর্যন্ত খেতে বাধ্য হয়েছিল । আকাশে বৃষ্টি ও মেঘের পরিবর্তে ধূম দৃষ্টিগোচর হত । এ উক্তি আবদুল্লাহ ইবনে মসউদ রাদিয়াল্লাহু আনহু প্রমুখের । তৃতীয় উক্তি এই যে, এখানে মক্কা বিজয়ের দিন মক্কার

আকাশে উঠিত ধূলিকণাকে ধূম্র বলা হয়েছে। এ উক্তি আবদুর রহমান আ'রাজ প্রমুখের। প্রথমোক্ত উক্তিদ্বয়ই সমধিক প্রসিদ্ধ। তৃতীয় উক্তি ইবনে-কাসীরের মতে অগ্রাহ্য। সহীহ হাদীসসমূহে দ্বিতীয় উক্তিই অবলম্বিত হয়েছে। প্রথমোক্ত উক্তিদ্বয়ের বর্ণনাসমূহ নিম্নরূপ:

হুযায়ফা ইবনে আসীদ বলেন, একবার রাসূলুল্লাহ সাল্লাল্লাহু 'আলাইহি ওয়া সাল্লাম আমাদের প্রতি দৃষ্টিপাত করলেন। আমরা তখন পরস্পর কেয়ামতের সম্পর্কে আলোচনা করছিলাম। তিনি বললেন, যত দিন তোমরা দশটি আলামত না দেখ, ততদিন কেয়ামত হবে না—(১) পশ্চিম দিক থেকে সূর্যোদয়, (২) দোখান তথা ধূম্র, (৩) দাব্বা (বা বিচিত্র ধরণের প্রাণী), (৪) ইয়াজুজ-মাজুজের আবির্ভাব, (৫) ঈসা আলাইহিসসালাম-এর অবতরণ, (৬) দাজ্জালের আবির্ভাব, (৭) পূর্বে ভূমিধস, (৮) পশ্চিমে ভূমিধস (৯) আরব উপদ্বীপে ভূমিধস, (১০) আদন থেকে এক অগ্নি বের হবে এবং মানুষকে হাঁকিয়ে নিয়ে যাবে। মানুষ যেখানে রাত্রিয়াপন করতে আসবে, অগ্নিও থেমে যাবে, যেখানে দুপুরে বিশ্রামের জন্যে আসবে, সেখানে অগ্নিও থেমে যাবে। [মুসলিম: ২৯০১] এছাড়া কিছু সহীহ ও হাসান হাদীসও একথা প্রমাণ করে যে, 'দোখান' ধূম্র কেয়ামতের ভবিষ্যৎ আলামতসমূহের অন্যতম। কুরআনের বাহ্যিক ভাষাও এর সাক্ষ্য দেয়।

আবদুল্লাহ ইবনে মাসউদ রাদিয়াল্লাহু আনহুমা বলেন, কাফেররা যখন রাসূলুল্লাহ সাল্লাল্লাহু 'আলাইহি ওয়া সাল্লাম-এর দাওয়াত কবুল করতে অস্বীকার করল এবং কুফরীকেই আঁকড়ে রইল, তখন রাসূলুল্লাহ সাল্লাল্লাহু 'আলাইহি ওয়া সাল্লাম তাদের উপর দো'আ করলেন যে, হে আল্লাহ এদের উপর ইউসুফ আলাইহিসসালাম-এর আমলের দুর্ভিক্ষের ন্যায় দুর্ভিক্ষ চাপিয়ে দিন। ফলে কাফেররা ভয়ংকর দুর্ভিক্ষে পতিত হল। এমনকি, তারা অস্থি এবং মৃত জন্তুও ভক্ষণ করতে লাগল। তারা আকাশের দিকে তাকালে ধূম্র ব্যতীত কিছুই দৃষ্টিগোচর হত না। এক বর্ণনায় আছে, তাদের কেউ আকাশের দিকে তাকালে ক্ষুধার তীব্রতায় সে কেবল ধূম্রের মত দেখত। অতঃপর আবদুল্লাহ ইবনে মসউদ তার বক্তব্যের প্রমাণ স্বরূপ এ আয়াতখানি তেলাওয়াত করলেন। দুর্ভিক্ষ প্রপীড়িত জনগণ রাসূলুল্লাহ সাল্লাল্লাহু 'আলাইহি ওয়া সাল্লাম-এর কাছে আবেদন করল, আপনি আপনার মুদার গোত্রের জন্য আল্লাহর কাছে বৃষ্টির দো'আ করুন। নতুবা আমরা সবাই ধ্বংস হয়ে যাব। রাসূলুল্লাহ সাল্লাল্লাহু 'আলাইহি ওয়া সাল্লাম দো'আ করলে, বৃষ্টি হল। তখন ﴿إِنَّا نَكْفِيكَ الْعَذَابَ وَالْبَلَاءَ﴾ আয়াত নাযিল হল। অর্থাৎ, আমরা কিছু দিনের জন্যে তোমাদের থেকে আযাব প্রত্যাহার করে নিচ্ছি। কিন্তু তোমরা বিপদমুক্ত হয়ে গেলে আবার কুফরের দিকে ফিরে যাবে। বাস্তবে তাই হল, তারা তাদের পূর্বাবস্থায় ফিরে গেল। তখন আল্লাহ তা'আলা ﴿يَوْمَ نَبْطِئُ الشَّجَرَةَ الْكَبِيرَىٰ لِأَنَّا كَانَتْ مَرْزُومًا﴾ আয়াত নাযিল করলেন। অর্থাৎ যেদিন আমরা প্রবলভাবে পাকড়াও করব, সেদিনের ভয় কর। অতঃপর ইবনে-মসউদ বললেন, এই প্রবল পাকড়াও বদরযুদ্ধে হয়ে গেছে।

১১. তা আবৃত করে ফেলবে লোকদেরকে ।
এটা যন্ত্রণাদায়ক শাস্তি ।
১২. (তারা বলবে) ‘হে আমাদের রব!
আমাদের থেকে শাস্তি দূর করুন,
নিশ্চয় আমরা মুমিন হব ।’
১৩. তারা কি করে উপদেশ গ্রহণ করবে?
অথচ ইতোপূর্বে তাদের কাছে এসেছে
স্পষ্ট এক রাসূল;
১৪. তারপর তারা তার থেকে মুখ ফিরিয়ে
নিয়েছিল এবং বলেছিল, ‘এ এক
শিক্ষাপ্রাপ্ত পাগল!’
১৫. নিশ্চয় আমরা অল্প সময়ের জন্য শাস্তি
রহিত করব--- (কিন্তু) নিশ্চয় তোমরা
তোমাদের আগের অবস্থায় ফিরে
যাবে ।
১৬. যেদিন আমরা প্রবলভাবে পাকড়াও
করব, সেদিন নিশ্চয় আমরা হব
প্রতিশোধ গ্রহণকারী ।
১৭. আর অবশ্যই এদের আগে আমরা
ফির ‘আউন সম্প্রদায়কে পরীক্ষা
করেছিলাম এবং তাদের কাছেও
এসেছিলেন এক সম্মানিত রাসূল^(১),

يُعْتَمَى النَّاسُ هَذَا عَذَابِكِ الْيَوْمِ ﴿١١﴾

رَبَّنَا كُنْثِفْ عَنَّا الْعَذَابَ إِنَّا مُؤْمِنُونَ ﴿١٢﴾

أَلَيْسَ لَهُمُ الذِّكْرَى وَقَدْ جَاءَهُمْ رَسُولٌ مُّبِينٌ ﴿١٣﴾

ثُمَّ تَوَلَّوْا عَنْهُ وَقَالُوا مُعَلَّمٌ مَّجْنُونٌ ﴿١٤﴾

إِنَّا كَاشِفُو الْعَذَابِ وَإِنَّا لَآتِكُمْ عَذَابًا مِّنْ دُونِ

يَوْمٍ نَّبْطِشُ الْبَطْشَةَ الْكُبْرَى إِنَّا مُنْتَقِمُونَ ﴿١٦﴾

وَلَقَدْ فَتَنَّا أَتْلَهُمْ قَوْمَ فِرْعَوْنَ وَجَاءَهُمْ
رَسُولٌ كَرِيمٌ ﴿١٧﴾

এই ঘটনা বর্ণনা করার পর তিনি আরও বললেন, পাঁচটি বিষয় অতিক্রান্ত হয়ে গেছে । অর্থাৎ, দোখান তথা ধূম্র, রোম (এর পারসিকদের উপর জয়লাভ), চাঁদ (দ্বিখণ্ডিত হওয়া), পাকড়াও (যা বদরের প্রান্তরে সংঘটিত হয়েছিল) ও লেযাম (বা স্থায়ী আযাব) । [বুখারী:৪৮০৯, মুসলিম:২৭৯৮]

- (১) মূল আয়াতে কَرِيم শব্দ ব্যবহৃত হয়েছে । শব্দটি যখন মানুষের জন্য ব্যবহার করা হয় তখন তার দ্বারা বুঝানো হয় এমন ব্যক্তিকে যে অত্যন্ত ভদ্র ও শিষ্ট আচার-আচরণ এবং অতীব প্রশংসনীয় গুণাবলীর অধিকারী । সাধারণ গুণাবলী বুঝাতে এ

১৮. (তিনি ফিরআউনকে বলেছিলেন)
‘আল্লাহর বান্দাদেরকে আমার
কাছে ফিরিয়ে দাও^(১)। নিশ্চয় আমি
তোমাদের জন্য এক বিশ্বস্ত রাসূল।

أَنْ أَدُوَّالِيَ عِبَادَ اللَّهِ إِنِّي لَكُمْ رَسُولٌ أَمِينٌ ﴿١٨﴾

১৯. ‘আর তোমরা আল্লাহর বিরুদ্ধে
ঔদ্ধত্য প্রকাশ করো না, নিশ্চয় আমি
তোমাদের কাছে স্পষ্ট প্রমাণ নিয়ে
আসব।

وَأَنْ لَا تَعْتَوْا عَلَيَّ اللَّهُ إِلَهُي وَإِنِّي لَأَتِيكُمْ بِبُرْهَانٍ مُّبِينٍ ﴿١٩﴾

২০. ‘আর নিশ্চয় আমি আমার রব ও
তোমাদের রবের আশ্রয় প্রার্থনা করছি,
যাতে তোমরা আমাকে পাথরের
আঘাত হানতে না পার^(২)।

وَإِنِّي عُدْتُ رَبِّيَّ وَرَبَّكُمْ أَنْ تَرْجُمُونِ ﴿٢٠﴾

২১. ‘আর যদি তোমরা আমার কথায়
বিশ্বাস স্থাপন না কর, তবে তোমরা
আমাকে ছেড়ে যাও।’

وَإِنِّي لَأَكْفُرُ بِكُمُومًا فَاتَّخِذُوا لِي آلَاءِكُمْ إِن كُنتُمْ مُؤْمِنِينَ ﴿٢١﴾

২২. অতঃপর মূসা তার রবকে ডাকলেন,
‘নিশ্চয় এরা এক অপরাধী
সম্প্রদায়।’

فَدَعَا رَبَّهُ أَنِ مَصْرًا هَؤُلَاءِ لَوْمَةٌ مَّجْرُومُونَ ﴿٢٢﴾

২৩. (আল্লাহ বললেন) ‘সুতরাং আপনি

فَأَسْرِبْ بِيَادِي لِيَلَّا إِلَهُكُمْ مَّتَّبِعُونَ ﴿٢٣﴾

শব্দ ব্যবহৃত হয় না। এখানে মূসা আলাইহিস সালামকে উদ্দেশ্য নেয়া হয়েছে।
[তবারী, কুরতুবী]

(১) মূল আয়াতে دُوَّالِيَ বলা হয়েছে। আয়াতাংশের একটি অনুবাদ হচ্ছে আল্লাহর
বান্দাদেরকে আমার কাছে সোপর্দ করো। এই অনুবাদ অনুসারে এটা ইতোপূর্বে
সূরা আল-আ‘রাফ এর ১০৫, সূরা ত্বাহর ৪৭ এবং আশ-শু‘আরার ১৭ নং আয়াতে
‘বনী ইসরাঈলদের আমার সাথে যেতে দাও’ বলে যে দাবী করা হয়েছে সেই দাবীর
সমার্থক।

(২) رَبِّي رَبَّكُمْ শব্দের অর্থ প্রস্তর বর্ষণে হত্যা করা। এর অপর অর্থ কাউকে গালি দেয়াও
হয়। এখানে উভয় অর্থই হতে পারে, কিন্তু প্রথম অর্থ নেয়াই অধিক সঙ্গত।
কেননা, ফির‘আউনের সম্প্রদায় মুসা আলাইহিস সালাম-কে হত্যার হুমকি দিচ্ছিল।
[তবারী, ইবনে কাসীর]

আমার বান্দাদেরকে নিয়ে রাতে
বের হয়ে পড়ুন, নিশ্চয় তোমাদের
পশ্চাদ্ধাবন করা হবে।

২৪. আর সমুদ্রকে স্থির থাকতে দিন^(১),
নিশ্চয় তারা হবে এক ডুবন্ত বাহিনী।

وَأَتْرُكُ الْبَحْرَ رَهْوًا ۗ إِنَّهُمْ جُنْدٌ مُّغْرَبُونَ ﴿٢٤﴾

২৫. তারা পিছনে রেখে গিয়েছিল অনেক
উদ্যান ও প্রস্রবণ;

كَمْ تَرَكُوا مِنْ جَنَّاتٍ وَعَيْبُونَ ﴿٢٥﴾

২৬. শস্যক্ষেত্র ও সুরম্য প্রাসাদ,

وَزُرُورٍ ۖ وَمَقَامٍ كَرِيمٍ ﴿٢٦﴾

২৭. আর বিলাস উপকরণ, তাতে তারা
আনন্দ পেত।

وَمَعْنَةٍ كَانُوا فِيهَا يَكْتُمُونَ ﴿٢٧﴾

২৮. এরূপই ঘটেছিল এবং আমরা এ
সবকিছুর উত্তরাধিকারী করেছিলাম
ভিন্ন^(২) সম্প্রদায়কে।

كَذَلِكَ تَبَّ وَأُورَثْنَا مَا كَانُوا كَاخِرِينَ ﴿٢٨﴾

২৯. অতঃপর আসমান এবং যমীন তাদের
জন্য অশ্রুপাত করেনি এবং তারা
অবকাশপ্রাপ্তও ছিল না।

فَمَا بَأْسٌ عَلَيْهِمْ السَّمَاءُ وَالْأَرْضُ وَمَا كَانُوا
مُنظَرِينَ ﴿٢٩﴾

দ্বিতীয় রুকু'

৩০. আর অবশ্যই আমরা উদ্ধার করেছিলাম

وَلَقَدْ بَعَثْنَا لِنَبِيِّ إِسْرَائِيلَ مِنَ الْعَذَابِ الْمُهِينِ ﴿٣٠﴾

(১) মূসা আলাইহিস সালাম সঙ্গীগণসহ সমুদ্র পার হওয়ার পর স্বাভাবিকভাবে কামনা করবেন যে, সমুদ্র পুনরায় আসল অবস্থায় ফিরে যাক, যাতে ফির'আউনের বাহিনী পার হতে না পারে। তাই আল্লাহ তা'আলা তাকে বলে দিলেন, তোমরা পার হওয়ার পর সমুদ্রকে শান্ত ও অচল অবস্থায় থাকতে দাও এবং পুনরায় পানি চলমান হওয়ার চিন্তা করো না- যাতে ফির'আউন শুষ্ক ও তৈরী পথ দেখে সমুদ্রের মধ্যস্থলে প্রবেশ করে। তখন আমি সমুদ্রকে চলমান করে দেব এবং তারা নিমজ্জিত হবে। [দেখুন, তাবারী]

(২) অন্যত্র বলা হয়েছে যে, এই ভিন্ন জাতি হচ্ছে বনী ইসরাঈল। [সূরা আশ-শু'আরা:৫৯] অবশ্য বনী ইসরাঈল পুনরায় মিসরে আগমন করেছিল বলে ইতিহাসে প্রমাণ পাওয়া যায় না। সূরা আশ-শু'আরার ৫৯ নং আয়াতের তফসীরে এর বিস্তারিত জবাবও দেয়া হয়েছে।

বনী ইসরাঈলকে লাঞ্ছনাদায়ক শাস্তি হতে

৩১. ফির'আউন থেকে; নিশ্চয় সে ছিল সীমালঙ্ঘনকারীদের মধ্যে শীর্ষস্থানীয়।

مَنْ ذُوْنُوْنَ اِنَّهٗ كَانَ عَلِيًّا مِّنَ الْمُسْرِفِيْنَ ۝

৩২. আর আমরা জেনে শুনেই তাদেরকে সকল সৃষ্টির উপর নির্বাচিত করেছিলাম।

وَلَقَدْ اخْتَرْنَاهُمْ عَلٰى عِلْمٍ عَلٰى الْعٰلَمِيْنَ ۝

৩৩. আর আমরা তাদেরকে এমন নিদর্শনাবলী দিয়েছিলাম যাতে ছিল সুস্পষ্ট পরীক্ষা^(১);

وَاَتَيْنَهُمْ مِّنَ الْآيٰتِ مَا فِيْهَا بَلٰوًا مُّبِيْنًا ۝

৩৪. নিশ্চয় তারা বলেই থাকে,

اِنَّ هٰؤُلَاءِ لَيَقُوْلُوْنَ

৩৫. 'আমাদের প্রথম মৃত্যু ছাড়া আর কিছুই নেই এবং আমরা পুনরুত্থিত হবার নই।

اِنَّ هٰٓىٓ اِلَّا مَوْتُنَا الْاُولٰٓئِ وَمَا عَنَّا مُبَشِّرٰتٌ ۝

৩৬. 'অতএব তোমরা যদি সত্যবাদী হও তবে আমাদের পিতৃপুরুষদেরকে নিয়ে আস।'

فَاَنْتَوٰٓا يَا اٰبَآءَآلٰنَ كُنْتُمْ صٰدِقِيْنَ ۝

৩৭. তারা কি শ্রেষ্ঠ না তুব্বা' সম্প্রদায়^(২) ও

اِهْمُ خَيْرٌ اَمَّ قَوْمٍ تَتَّبِعُ لَآ اِلٰهَ اِلَّا الَّذِيْنَ مِنْ قَبْلِهِمْ

(১) এখানে লাঠি, দীপ্তিময় শুভ্র হাত ইত্যাদি মু'জিয়া বোঝানো হয়েছে। ۶۰ শব্দের দু'অর্থ- পুরস্কার ও পরীক্ষা। এখানে উভয় অর্থ অনায়াসে সম্ভবপর। [দেখুন, কুরতুবী]

(২) কুরআনে দু'জায়গায় তুব্বার উল্লেখ রয়েছে- এখানে এবং সূরা ক্বাফে। কিন্তু উভয় জায়গায় কেবল নামই উল্লেখ করা হয়েছে-কোন বিস্তারিত ঘটনা বিবৃত হয়নি। তাই এরা কোন জনগোষ্ঠী এ সম্পর্কে তফসীরবিদগণ বিভিন্ন উক্তি করেছেন। বাস্তবে তুব্বা কোন নির্দিষ্ট ব্যক্তির নাম নয়, বরং এটা ইয়ামনের হিমইয়ারী সম্রাটদের উপাধি বিশেষ। তারা দীর্ঘকাল পর্যন্ত ইয়ামনের পশ্চিমাংশকে রাজধানী করে আরব, শাম, ইরাক ও আফ্রিকার কিছু অংশ শাসন করেছে। এই সম্রাটগণকে তাবাবি'য়ায়ে-ইয়ামন বলা হয়। কোন কোন মুফাসসির বলেন, এখানে তাদের মধ্যবর্তী এক সম্রাটকে উদ্দেশ্য করা হয়েছে, যার নাম আস'আদ আবু কুরাইব ইবনে মা'দিকারেব। যে রাসূলুল্লাহ সাল্লাল্লাহু 'আলাইহি ওয়া সাল্লাম-এর নবুওয়াত লাভের কমপক্ষে সাতশ বছর পূর্বে

তাদের পূর্বে যারা ছিল তারা? আমরা তাদেরকে ধ্বংস করেছিলাম। নিশ্চয় তারা ছিল অপরাধী।

أَهْلِكْتُمْ إِيَّاهُمْ كَمَا كَانُوا مُجْرِمِينَ ﴿٧٧﴾

৩৮. আর আমরা আসমানসমূহ, যমীন ও এ দু'য়ের মধ্যকার কোন কিছুই খেলার ছলে সৃষ্টি করিনি;

وَمَا خَلَقْنَا السَّمَوَاتِ وَالْأَرْضَ وَمَا بَيْنَهُمَا لِبَاطِلٍ ﴿٧٨﴾

৩৯. আমরা এ দু'টিকে যথাযথভাবেই সৃষ্টি করেছি, কিন্তু তাদের অধিকাংশই তা জানে না।

مَا خَلَقْنَاهُمَا إِلَّا بِالْحَقِّ وَاللَّيْلِ أَكْثَرُهُمْ لَا يَعْلَمُونَ ﴿٧٩﴾

৪০. নিশ্চয় ফয়সালার দিনটি তাদের সবার জন্য নির্ধারিত সময়।

إِنَّ يَوْمَ الْفَصْلِ مِيقَاتُهُمْ أَجْمَعِينَ ﴿٨٠﴾

৪১. সেদিন এক বন্ধু অন্য বন্ধুর কোন কাজে আসবে না এবং তারা সাহায্যও পাবে না।

يَوْمَ لَا يُغْنِي مَوْلًى عَنْ مَوْلَى شَيْئًا وَلَا هُمْ يُنصَرُونَ ﴿٨١﴾

অতিক্রান্ত হয়েছে। হিমইয়ারী সম্রাটদের মধ্যে তার রাজত্বকাল সর্বাধিক ছিল। সে তার শাসনামলে অনেক দেশ জয় করে সমরকন্দ পর্যন্ত পৌঁছে যায়। মুহাম্মদ ইবনে ইসহাক বর্ণনা করেন, এই দিগ্বিজয়কালে একবার সে মদীনা মুনাওয়ারার জনপদ অতিক্রম করে এবং তা করায়ত্ত করার ইচ্ছা করে। মদীনাবাসীরা দিনের বেলায় তার বিরুদ্ধে যুদ্ধ করত এবং রাত্রিতে তার আতিথেয়তা করত। ফলে সে লজ্জিত হয়ে মদীনা জয়ের ইচ্ছা পরিত্যাগ করে। এ সময়েই মদীনার দুজন ইহুদী আলেম তাকে হুশিয়ার করে দেয় যে, এই শহর সে করায়ত্ত করতে পারবে না; কারণ, এটা শেষ নবীর হিজরতভূমি। সম্রাট ইহুদী আলেমদ্বয়কে সাথে নিয়ে ইয়ামন প্রব্রাভর্তন করে এবং তাদের শিক্ষা ও প্রচারে মুগ্ধ হয়ে ইসলাম গ্রহণ করে। অতঃপর তার সম্প্রদায়ও সে দ্বীন গ্রহণ করে। কিন্তু তার মৃত্যুর পর তারা আবার মূর্তিপূজা ও অগ্নিপূজা শুরু করে দেয়। ফলে তাদের উপর আল্লাহর গযব নাযিল হয়। এ থেকে জানা যায় যে, তুব্বার সম্প্রদায় ইসলাম গ্রহণ করেছিল, কিন্তু পরে পথভ্রষ্ট হয়ে আল্লাহর গযবে পতিত হয়েছিল। এ কারণেই কুরআনের উভয় জায়গায় তুব্বার সম্প্রদায় উল্লেখ করা হয়েছে; শুধু তুব্বা উল্লেখিত হয়নি? [দেখুন, তাবারী, ইবন কাসীর, কুরতুবী]

কোন কোন হাদীস থেকে এর সমর্থন পাওয়া যায়। রাসূলুল্লাহ সাল্লাল্লাহু 'আলাইহি ওয়া সাল্লাম বলেন: তোমরা তুব্বাকে মন্দ বলো না; কারণ সে ইসলাম গ্রহণ করেছিল। [মুসনাদে আহমাদ: ৫/৩৪০]

৪২. তবে আল্লাহ্ যার প্রতি দয়া করেন তার কথা স্বতন্ত্র। নিশ্চয় তিনিই মহাপরাক্রমশালী, পরম দয়ালু।

তৃতীয় রুকু'

৪৩. নিশ্চয় যাক্কুম গাছ হবে^(১)---

إِنَّ شَجَرَةَ الزُّقُومِ ۝

৪৪. পাপীর খাদ্য;

كَعَامِ الْأَشْجِيمِ ۝

৪৫. গলিত আমার মত, পেটের মধ্যে ফুটতে থাকবে

كَالْمُهْلِ يَغْطِي فِي الْبُطُونِ ۝

৪৬. ফুটন্ত পানি ফুটার মত।

كَغَلِي الْحَمِيمِ ۝

৪৭. (বলা হবে) তাকে ধর এবং টেনে নিয়ে যাও জাহান্নামের মধ্যস্থলে,

خُذُوهُ وَأَعْتَدُوهُ إِلَىٰ سَوَاءِ الْجَحِيمِ ۝

৪৮. তারপর তার মাথার উপর ফুটন্ত পানির শাস্তি ঢেলে দাও-

ثُمَّ صُبُّوا فَوْقَ رَأْسِهِ مِنْ عَذَابِ الْحَمِيمِ ۝

৪৯. (বলা হবে) 'আস্বাদন কর, নিশ্চয় তুমিই সম্মানিত, অভিজাত!

ذُقْ إِنَّكَ أَنْتَ الْعَزِيزُ الْكَرِيمُ ۝

৫০. 'নিশ্চয় এটা তা-ই, যে বিষয়ে তোমরা সন্দেহ করতে।'।

إِنَّ هَذَا مَا كُنْتُمْ بِهِ تَمْتَرُونَ ۝

৫১. নিশ্চয় মুত্তাকীরী থাকবে নিরাপদ স্থানে^(২)--

إِنَّ الْمُتَّقِينَ فِي مَقَامٍ أَمِينٍ ۝

(১) যাক্কুমের স্বরূপ সম্পর্কে সূরা আস-সাফফাতে কিছু জরুরী বিষয় বর্ণনা করা হয়েছে। এখানে উল্লেখযোগ্য বিষয় এই যে, কুরআনের আয়াত থেকে বাহ্যতঃ জানা যায়, যাক্কুম কাফেরদেরকে জাহান্নামে প্রবেশ করার আগেই খাওয়ানো হবে। [ফাতহুল কাদীর] কেননা, এখানে মানুষকে খাওয়ানোর পর জাহান্নামের মধ্যস্থলে টেনে নিয়ে যাওয়ার আদেশ উল্লেখ করা হয়েছে। এছাড়া অন্য সূরায় বলা হয়েছে, ﴿لَا يَكُونُ مِنْ شَجَرٍ مِنْ زُقُومٍ﴾ * [সূরা আল-ফাতহা] ﴿فَالسُّورُونَ مِنْهَا الْبُطُونَ﴾ * ﴿فَشَرِبُوا مِنْهُ وَعَلِيهِمْ مِنَ الْحَمِيمِ﴾ * ﴿فَشَرِبُوا مِنْهُ وَعَلِيهِمْ مِنَ الْحَمِيمِ﴾ * ﴿هَذَا الَّذِي كُنْتُمْ تُؤْمَرُونَ﴾ * [সূরা আল-ওয়াকি'আ: ৫২-৫৬]

(২) শাস্তি ও নিরাপত্তার জায়গা অর্থ এমন জায়গা যেখানে কোন প্রকার আশংকা থাকবে না। কোন দুঃখ, অস্থিরতা, বিপদ, আশংকা এবং পরিশ্রম ও কষ্ট থাকবে না। হাদীসে

৫২. উদ্যান ও ঝর্ণার মাঝে,
৫৩. তারা পরবে মিহি ও পুরু রেশমী বস্ত্র
এবং বসবে মুখোমুখি হয়ে ।
৫৪. এরূপই ঘটবে; আর আমরা তাদেরকে
বিয়ে দিয়ে দেব ডাগর নয়না হুরদের
সাথে,
৫৫. সেখানে তারা প্রশান্ত চিত্তে বিবিধ
ফলমূল আনতে বলবে ।
৫৬. প্রথম মৃত্যুর পর তারা সেখানে আর
মৃত্যু আশ্বাদন করবে না^(১) । আর
তিনি তাদেরকে জাহান্নামের শাস্তি
হতে রক্ষা করবেন-
৫৭. আপনার রবের অনুগ্রহস্বরূপ^(২) ।

فِي جَنَّاتٍ وَعُيُونٍ ﴿٥٢﴾
يَلْبَسُونَ مِنْ سُندُسٍ وَإِسْتَبْرَقٍ مُتَقَابِلِينَ ﴿٥٣﴾
كَذَلِكَ وَزَوَّجْنَاهُم بِحُورٍ عِينٍ ﴿٥٤﴾
يَدْعُونَ فِيهَا لِلْحِلِّ فَأَلْهَمَ الْوَالِدِينَ ﴿٥٥﴾
لَا يَدْعُونَ فِيهَا الْمَوْتَ إِلَّا الْمَوْتَةَ الْأُولَىٰ
وَوَقَّعَهُمْ عَذَابَ الْجَحِيمِ ﴿٥٦﴾
فَضَلَّاهُمْ نَارِيكَ ذَٰلِكَ هُوَ الْفَوْزُ الْعَظِيمُ ﴿٥٧﴾

আছে, রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ জান্নাতবাসীদের বলে দেয়া হবে, তোমরা এখানে চিরদিন সুস্থ থাকবে, কখনো রোগাক্রান্ত হবে না, চিরদিন জীবিত থাকবে, কখনো মরবে না চিরদিন সুখী থাকবে কখনো দুর্দশাগ্রস্ত হবে না এবং চিরদিন যুবক থাকবে, কখনো বৃদ্ধ হবে না । [মুসলিম: ২৮৩৭]

- (১) অর্থাৎ একবার মৃত্যুর পর আর কোন মৃত্যু হবে না । এ নিয়ম জাহান্নামীদের জন্যেও । কিন্তু সেটা তাদের জন্যে অধিক কঠোর এবং জান্নাতীদের জন্যে অধিক আনন্দ ও সুখের বিষয় হবে । কারণ, যত বড় নেয়ামতই হোক, তা বিলুপ্ত হওয়ার কল্পনা নিশ্চিতরূপেই মনে বিপদের রেখাপাত করে । জান্নাতীরা যখন কল্পনা করবে যে, এসব নেয়ামত তাদের কাছ থেকে কখনও ছিনিয়ে নেয়া হবে না, তখন এটা তাদের আনন্দকে আরও বৃদ্ধি করে দেবে । [দেখুন, ইবনে কাসীর]
- (২) এ আয়াতে জাহান্নাম থেকে রক্ষা পাওয়া এবং জান্নাত লাভ করাকে আল্লাহ তাঁর দয়ার ফলশ্রুতি বলে আখ্যায়িত করছেন । এর দ্বারা মানুষকে এই সত্য সম্পর্কে অবহিত করা উদ্দেশ্য যে, আল্লাহর অনুগ্রহ না হওয়া পর্যন্ত কোন ব্যক্তির ভাগ্যেই এই সফলতা আসতে পারে না । আল্লাহর অনুগ্রহ ছাড়া ব্যক্তি তার সংকর্ম করার তাওফীক বা সামর্থ্য কিভাবে লাভ করবে? তাছাড়া ব্যক্তি দ্বারা যত উত্তম কাজই সম্পন্ন হোক না কেন তা পূর্ণাঙ্গ ও পূর্ণতর হতে পারে না । সুতরাং সে কাজ সম্পর্কে দাবী করে একথা বলা যাবে না যে, তাতে কোন ত্রুটি বা অপূর্ণতা নেই । এটা আল্লাহর অনুগ্রহ যে তিনি বান্দার দুর্বলতা এবং তার কাজকর্মের অপূর্ণতাসমূহ উপেক্ষা করে তার খেদমত কবুল

এটাই তো মহাসাফল্য ।

৫৮. অতঃপর নিশ্চয় আমরা আপনার
ভাষায় কুরআনকে সহজ করে দিয়েছি,
যাতে তারা উপদেশ গ্রহণ করে ।
৫৯. কাজেই আপনি প্রতীক্ষা করুন, নিশ্চয়
তারা প্রতীক্ষমাণ ।

فَأَنبَأَيَّسْرُنَا بِلِسَانِكَ لَعَلَّهُمْ يَتَذَكَّرُونَ ﴿٥٨﴾

فَارْتَقِبْ إِنَّهُمْ مُرْتَقِبُونَ ﴿٥٩﴾

করেন এবং তাকে পুরস্কৃত করে ধন্য করেন । অন্যথায়, তিনি যদি সূক্ষ্মভাবে হিসেব
নিতে শুরু করেন তাহলে কার এমন দুঃসাহস আছে যে নিজের বাহুবলে জান্নাত
লাভ করার দাবী করতে পারে? হাদীসে একথাই রাসুলুল্লাহ সাল্লাল্লাহু আলাইহি ওয়া
সাল্লাম থেকে বর্ণিত হয়েছে । তিনি বলেনঃ ‘আমল করো এবং নিজের সাধ্যমত
সব সর্বাধিক সঠিক কাজ করার চেষ্টা করো । জেনে রাখো, কোন ব্যক্তিকে শুধু তার
আমল জান্নাতে প্রবেশ করাতে পারবে না ।’ লোকেরা বললোঃ হে আল্লাহর রাসূল,
অপনার আমলও কি পারবে না? তিনি বললেনঃ ‘হ্যাঁ, আমিও শুধু আমার আমলের
জোরে জান্নাতে যেতে পারবো না । তবে আমার রব যদি তাঁর রহমত দ্বারা আমাকে
আচ্ছাদিত করেন ।’ [বুখারী:৬৪৬৭]